

ционалист — это, конечно, совершенно ненужная натяжка, никак не соответствующая исторической действительности.

К недостаткам книги М. Мурадяна следует отнести нередко встречающиеся повторения, а также чрезмерно разбухшую, на наш взгляд, первую главу, в которой автор обращается к анализу имеющейся литературы о Х. Кара-Мурзе (как указывалось выше, литературе очень скудной). Желание автора показать отношение различных общественных кругов к деятельности Х. Кара-Мурзы — понятно, но это можно было сделать в гораздо более лаконичной форме, а не воскрешать и тем более долемизировать с давно уже и справедливо забытыми мнениями случайных рецензентов, писавших о Кара-Мурзе, мнениями, подчас вздорными и нелепыми. В то же время в работе М. Мурадяна не показано отношение выдающихся армянских композиторов к деятельности Х. Кара-Мурзы. А у некоторых из них (например, Ром. Меликяна) есть очень интересные высказывания о Х. Кара-Мурзе<sup>1</sup>.

Сделанные нами критические замечания (некоторые из них имеют, быть может спорный характер) не могут повлиять на общую положительную оценку интересной работы М. Мурадяна о Х. Кара-Мурзе.

Г. ГЕОДАКЯН

## Ս. ՄՆԱՑԱԿԱՆՅԱՆ «ՀԱՅԱՍՏԱՆԻ ԳՅՈՒՂԱԿԱՆ ԲՆԱԿԱՎԱՅՐԵՐԻ ՃԱՐՏԱՐԱՊԵՏՈՒԹՅՈՒՆԸ»

Սովետական Հայաստանի գյուղական բնակավայրերի ուսումնասիրությունը այլևայլ առիթներով, սակայն թուուցիկ կերպով, անդրադարձել են մեր ճարտարապետներն ու ադադրադետները: Գրախոսվող աշխատությունը<sup>2</sup> առաջին լուրջ փորձն է՝ հարուստ փաստական նյութի հիման վրա ընդհանրացնելու սովետական շրջանում Հայաստանի գյուղական բնակավայրերի ճարտարապետություն մեջ կատարված փոփոխությունները և ուրվագծելու արդի բնակավայրերի ամբողջական պատկերը:

Աշխատությունը բաղկացած է չորս հիմնական գլխից, ունի նաև հակիրճ «ներածություն» ու «Եզրափակում» և հաղեցված է հարուստ իլյուստրատիվ նյութով (131 լուսանկար, հատակագիծ և այլն, որից 11-ը՝ գունավոր): Վերջում կցված են զբոսում գործածված անձնանունների ու տեղանունների ցանկերը և նկարների ցուցակը՝ հայերեն և ռուսերեն: Գրքի ծավալն է 244 էջ:

Հեղինակը, նախ, քննություն է առնում գյուղական բնակավայրերի հատակագծման ու կառուցապատման հետ կապված հարցերը: Այնուհետև, հանդամանալից վերլուծման են ենթարկվում այդ բնակավայրերի հիմնական բաղկացուցիչ մասերը՝ կոլտնտեսային արտադրական կառուցվածքները, բնակելի տան կոմպլեքսը և հասարակական կառուցվածքները: Այսպիսով, իր ընդհանուր և մասնակի կողմերով, բնորոշ տարրերակներով, ընդգրկված և ուսումնասիրված է Սովետական Հայաստանի արդի գյուղական ճարտարապետությունը:

Սոցիալիստական շինարարության, հատկապես կոլտնտեսային կարգերի շնորհիվ, արմատական վերափոխման է ենթարկվել Հայաստանի գյուղացիության կյանքն ու կենցաղը: Հենց այս ֆոնի վրա էլ հեղինակը դիտում է այդ նույն պայմանների շնորհիվ հայկական գյուղական բնակավայրերում կատարված փոփոխությունները: Գյուղական բնակավայրերի ներքին կառուցվածքում կատարված հիմնական ու բնորոշ փոփոխությունն այն է, որ նոր սոցիալ-տնտեսական պայմանների շնորհիվ արտադրական կառուցվածքները առանձնացվել են բնակելի մասից, իսկ վերջինիս կենտրոնում առաջացել են հասարակական-կուլտուրական կառուցվածքները:

<sup>1</sup> Տմ. письма Ром. Меликяна к П. М. Кара-Мурзе, Музей литературы и искусств АН АрмССР, архив Ром. Меликяна.

<sup>2</sup> Ս. Մնացականյան, Հայաստանի գյուղական բնակավայրերի ճարտարապետությունը, Երևան, 1956, էջ 244:

Ձնայած Հայաստանի գյուղական բնակավայրերի խիստ բազմադանոթյանը, հեղինակը դրանք հատակագծային առումով խմբավորում է երեք՝ ուղղանկյուն, շառավղաօղակային և խառը սխեմաներում, ըստ որում առաջինը և երկրորդը կիրառելի են բացառապես հարթավայրային հանդիստ տեղանքի պայմաններում, մեկը՝ բոլորովին հարթ տարածության բնակավայր հատակագծելիս, մյուսը՝ երբ հատակագծումը կատարելիս պետք է հաշվի առնվեն նաև տեղանքի խորտուրդությունները: Երրորդը կիրառելի է առանձնապես լեռնային բարդ տեղանքի պայմաններում, ուր գուղակցվում են առաջինի և երկրորդի տարրերը, դրանով հնարավոր դարձնելով բարդ տեղանքի նպաստավոր կողմերի հատակագծային օգտագործումը կառուցապատման համար:

Հանգամանորեն և կոնկրետ օրինակներով լուսարանելով այս հարցերը, հեղինակը, սակայն, ճիշտ մեկնակետ չի ընտրել, ուստի և նրա եզրահանգումները պակիորեն կորցնում են իրենց արժեքը: Փոխանակ գոյություն ունեցող գյուղական բնակավայրերի բնորոշ օրինակների ուսումնասիրությամբ փորձելու տալ դրանց հատակագծային յուրահատկությունները, հեղինակը քննության առարկա է դարձնում մի շարք գյուղերի ու ավանների (Գյոդակլու, Ֆանտան, Սուրենավան, Մաստարա, Արաքս, Արմաշ, Կարմրաշեն, Վ. Արտաշատ, Խաթունարխ, Սամաղար, Արտենի, Փարաքար, Ֆրանդանոց, Շահնազար և այլն) ճարտարապետական հատակագծերը, մեծ մասամբ կազմված 1935—37 թթ. և կյանքում կամ զրեթե կիրառություն չստացած կամ էլ հետադայում անճանաչելիորեն վերափոխված: Այդ հատակագծերը, ինչպես դիտում է նաև հեղինակը, աչքի են ընկնում «երկրաչափական կանխակալ ձևերի ոչ տրամաբանական օգտագործումով, երբ տեղի ուելլեֆին լիովին չհամապատասխանող փողոցների ցանցը արհեստականորեն դրվում եր գյուղի հատակագծման կոմպոզիցիայի հիմքում և ամեն ինչ ենթարկվում զծազրի սիմետրիկ ձևերին» (էջ 65): Եթե նկատի առնվի նաև, որ գյուղերի, հատկապես լեռնային գյուղերի կառուցապատումը դնացել և դնում է բնական ճանապարհով, առանց ճարտարապետական նախագծումների շոշափելի միջամտության, ապա հասկանալի կդառնա, թե ինչու այդ հատակագծերի քննությունը զբոսում թողնում է ավելի վերացական դատողությունների, քան իրական բնակավայրերի ճարտարապետության ուսումնասիրության տպավորություն:

Ըստ էության նույն սկզբունքով է շարադրված զրբի նաև հաջորդ գլուխը, որը վերնադրված է «կոլտնտեսային արտադրական կառուցվածքները»: Այստեղ հեղինակը ընդհանուր կարգի դատողություններ է անում այն մասին, թե ինչպիսին պետք է լինեն կոլտնտեսային անասնադոմերը, սլահեստները, արհեստանոցները, գյուղական հիդրոկայաններն ու ջրհան կայանները, շատ քիչ բան ասելով այն մասին, թե ինչպիսին են արդեն կառուցվածները, որոնք մի քանի տասնամյակ օգտագործվել են և հենց դրանց քննություն հիման վրա է, որ կարելի է կոնկրետ և օգտակար եղրակացությունների հանդել:

Անհամեմատ հաջողված է հաջորդ՝ գյուղական բնակավայրերի բնակելի տան ուսումնասիրությանը նվիրված գլուխը: Այստեղ հեղինակը խորացել է բուն գյուղական տան կոմպլեքսի կոնկրետ վերլուծման մեջ:

Նախ, համառոտ ակնարկով ներկայացված է հայկական հին գյուղական տունն իր օժանդակ կառուցումներով ու տնտեսական բակով և տրված է դրա ճիշտ բնորոշումը բնակելի և կիսաարտադրական ֆունկցիաներով, ապա նշված է, որ «ժողովրդական ճարտարապետության դարգացումը կոլտնտեսային կարգերի հաղթանակից հետո ընթանում է բնակելի տան կիսաարտադրական գործոնի վերացման և կլիմայական պայմաններից նրա ունեցած կախվածության էական թուլացման ճանապարհով» (էջ 132):

Ելնելով Հայաստանի աշխարհադրական և բնա-կլիմայական պայմանների խիստ բազմադանոթյունից, որոնցով էլ հիմնականում պայմանավորվում են գյուղացիների տնտեսական գրադմունքների, կենցաղի, ինչպես նաև բնակարանի յուրահատկությունները, հեղինակը ասանձին-առանձին քննում է լեռնային, հարթավայրային-ցածրադիր և նախալեռնային շրջանների արդի գյուղական տների կոմպլեքսները և հատկապես սովետական շրջանում դրանց մեջ կատարված փոփոխությունների բնույթը<sup>1</sup>:

Հայկական լեռնային գյուղական բնակարանի հիմնական տիպը հայտնի գլխատուն է իր բազմաթիվ տարրերակներով: Հեղինակը հանգամանորեն կանգ է առնում գլխատան

<sup>1</sup> Ի դեպ, նշենք, որ առհասարակ անտեսված է սարային բնակավայրը, որը ունենալով իր խիստ յուրահատուկ կողմերը, նույնպես մտնում է ժողովրդական ճարտարապետության մեջ և անպայման ուշադրության արժանի է:

յուրահատկությունների, կառուցվածքային և ֆունկցիոնալ հատկանիշների և մյուս հարակից հարցերի վրա: Ծիշտ կերպով սահմանադեօնով դրա տարածման շրջանները Սովետական Հայաստանում՝ Գեղարքունիք, Շիրակ, Վայոց Ձոր, Լոռի և Զանգեզուր, անդրադարձել է նաև դրանց յուրահատկություններին: Հաջող են ներկայացված հատկապես Գեղարքունիքի (Նոր Բայազետի, Մարտունու, Բասարգեչարի շրջաններ) զլխատան ներքին կառուցվածքում սովետական շրջանում կատարված փոփոխությունները: Այստեղ դիպուկ են տրված հատկապես նոր քաղաքատիպ սենյակների առաջացման և դրանք տեղական պայմաններին հարմարեցնելու ժողովրդական ինքնադործ ճարտարապետության նվաճումները, դրա հետ կապված՝ զլխատան հին կոմպլեքսի մեջ կատարված ֆունկցիոնալ փոփոխությունները (դոմի օդայի վերացումը, զլխատան վերածումը խոհանոց-սեղանատան, անասունների համար ետնամուտք բացելը և նրանց ելումտի առանձնացումը և այլն):

Հիմնական դժեբով հարադատորեն է ներկայացված նաև լեռնային դյուղական արդի բնակարանի Լոռու տարրերակը՝ որպես յուրահատուկ և ամբողջական տիպ: Լեռնային բնակարանի նույնքան յուրահատուկ և ամբողջական տիպ է Զանգեզուրի ժայռափոր տունը, որում, ինչպես և առհասարակ Զանգեզուրի բնակավայրում կատարված փոփոխություններին հեղինակը, ցավոք սրտի, խիստ փութանցիկ է անդրադառնում:

Հարթավայրային-ցածրադիր շրջանների (որոնց տակ հեղինակը նկատի ունի բացառապես Արարատյան դաշտավայրը) հարթ կտուրով բնակելի տան հակիրճ քննությունը, հեղինակը համոզիչ կերպով ցույց է տալիս դրա արմատական տարրերությունները լեռնային շրջանների կիսադարեթաձև կտուրով բնակելի տնից: Այդ տարրերությունները արտահայտվում են շինանյութերի, ներքին բաժանմունքների, տեղական պայմաններին հարմարվածության, կոմպոզիցիոն ու կառուցասպասման ձևերի և մի շարք այլ հանդամանքների մեջ, որոնք բխում են բնա-կլիմայական պայմանների, տնտեսական գրադմունքների և կուլտուրայի ու կենցաղի տարրերություններից: Այսպես, եթե լեռնային շրջաններում բնակարանը իր կառուցվածքով ամբողջությամբ հարմարեցված է հասկապես անասնապահական ու դաշտավարական գրադմունքներին և բնակության համար անհրաժեշտ ջերմության ապահովմանը, ապա Արարատյան դաշտավայրում այն հարմարեցված է խաղողագործական ու այգեգործական գրադմունքներին և բնակության համար անհրաժեշտ դոփության ապահովմանը: Հենց այս հանդամանքներն էլ թելադրում են յուրաքանչյուր վայրի բնակարանի կառուցողական ձևերն ու կոմպոզիցիոն տարրերը:

Առավել հակիրճ կերպով են ներկայացված նախալեռնային շրջանների (սրանց տակ հեղինակը առնում է Կոտայքի, Ախտայի շրջանները և Աշտարակի շրջանի մի քանի դյուղեր) բնակելի տները, դրանք բնորոշելով որպես միջին տիպ լեռնայինի և հարթավայրային-ցածրադիրի նկատմամբ:

Գլխի վերջում քննության առարկա են դարձվում մեկ և երկհարկանի՝ մեկ, երկու և երեք սենյականոց բնակարանների ինչպես ասհատական, նույնպես և տիպային ճարտարապետական նախագծերի մի քանի նմուշներ, որոնց մի մասը վերջին տարիներս մասնակի կիրառություն են միայն ստացել, իսկ մեծ մասն էլ դեռևս գործնական փորձարկման չեն ենթարկվել: Դրանցից գրեթե ոչ մեկն էլ, ինչպես հավաստում է հեղինակը, դերծ չէ թերություններից, ուստի և չի կարելի երաշխավորել որպես լիարժեք նախագիծ:

Ինչպես նշվել է արդեն, այս գլուխը թերևս կարելի է համարել դրբի ամենահաջողված բաժինը: Այսուհանդերձ, մի կարևոր պարագա վրիպել է հեղինակի ուշադրությունից: Հայտնի է, որ Սովետական Հայաստանի արդի հայ աղգարանակալության գլուխի մասը հիմնականում կադմավորվել է 1830-ական թվականներին Արևմտյան Հայաստանից ներգաղթած հայերից: Այդպես է դրությունը, օրինակ՝ ամբողջ Արարատյան դաշտավայրում, Գեղարքունիքում, Արագածոտնում և այլ վայրերում: Հեղինակը պետք է աշխատեր դեթ բնդհանուր գծերով ցույց տալ, թե բնակարանային մշակույթի ինչպիսի ժառանգություն են բերել դրանցից յուրաքանչյուրը, նոր պայմաններում ինչ փոփոխությունների է ենթարկվել այն, որից հետո ավելի հիմնավորված ու հասկանալի կդառնար սովետական շրջանում այդ մշակույթի մեջ կատարված փոփոխությունների և այդ փոփոխությունների մեջ ժողովրդի բաղմադարյան փորձի օգտագործման էությունն ու բնույթը:

Գրբի ամենաընդարձակ բաժինը վերջին գլուխն է՝ նվիրված դյուղական բնակավայրերի հասարակական կառուցվածքների ուսումնասիրությանը: Ասենք կանխավ, որ այս գլուխը ևս հիմնականում հաջողված է: Հասարակական կառուցվածքների, որպես արդի դյուղական բնակավայրի կենտրոնի ճարտարապետական անսամբլի, առաջացումն իրավա-

ցիորեն գիտելով որպես հայկական գյուղի սոցիալիստական վերափոխման արդյունք, հեղինակը հանգամանորեն վերլուծում է թե՛ այդ անսամբլը որպես մի ամբողջություն և թե՛ դրա բաղկացուցիչ կառուցվածքները: Որպես կոլտնտեսային գյուղի հասարակական կենտրոնի առավել նշանակալից կառուցվածքներ, մանրադնին վերլուծման են ենթարկվում ակումբների շենքերը, քանի որ, ինչպես նշում է հեղինակը, «ներանց ճարտարապետական կերպն է, որ հիմնականում որոշում է ամբողջ հասարակական կենտրոնի անսամբլի տնայթը» (էջ 131): Հեղինակը, ելնելով դահլիճների տարողությունից, որով էլ հիմնականում պայմանավորվում են հարակից բաժանմունքները թե՛ ճարտարապետական և թե՛ ծավալային ու ֆունկցիոնալ առումներով, ակումբները երեք կարգի է բաժանում՝ 100, 200 և 300—400 տեղանոց դահլիճներով ակումբների: Այստեղ արդեն միանգամայն ճիշտ վարվելով, հեղինակը ճարտարապետական դժադիրը արհեստականորեն չի դառնել կառուցվածքից, ինչպես այդ արել է նախորդ զուխներում, այլ դրանք բնություն է առել միաձույլ, համատեղ, որով նրան հաջողվել է համատեղ կերպով ցույց տալ նախագծերի թե՛ առավելությունները և թե՛ թերությունները, միաժամանակ ընդհանրացնելով սովետահայ ճարտարապետության նվաճումները ակումբաշինարարության բնագավառում:

Այնուհետև քննարկված են գյուղական կենտրոնի մյուս կառուցվածքների՝ դրադարան-ընթերցարանների, կոլտնտեսության վարչությունների ու գյուղական սովետների, զպրոցների, մանկապարտեզների, մանկամսուրների, հյուրանոցների, խանութների, հիվանդանոցների շենքերի ճարտարապետության հետ կապված հիմնական հարցերը:

Դիտելով վերջում ջերմ շնչով է կատարված ագրյուր-հուշարձանների ուսումնասիրությունը: Դրանք լինելով կիրառական արվեստի կոթողներ, ինչպես նշում է հեղինակը, «յուրահատուկ են հատկապես Սովետական Հայաստանի կոլտնտեսային գյուղի ճարտարապետությանը» (էջ 208) և կոչված են «ագրյուրի ջրի միշտ կարկաշուն հոսանքով հավերժացնելու Հայրենական պատերազմում զոհված մարտիկների հիշատակը» (209—210):

Այսպիսով, ճարտարապետ Ս. Մնացականյանը ընտրել է բոլորովին խոպան թեմա և, չնայած նման դեպքերում անխուսափելի որոշ թերություններին, հիմնականում կարողացել է մշակել այն, հրապարակ հանելով մտքեր շարժող, դրանով իսկ ուշագրության հույժ արժանի աշխատություն, այդ աշխատությամբ հիմք դնելով Հայաստանի արդի գյուղական բնակավայրերի ճարտարապետության ուսումնասիրման կարևոր գործին:

Դ. ՎԱՐԴՈՒՄՅԱՆ

